

644. m. 14
19

SATYRÆ

QUATUOR.

19

Auctore D. G. *℥*



L O N D I N I

Excudebat J. HUGHs ad insignia Regia in vico vulgo
dicto *Holbourn*, A. D. M.DCC.XXXV.

SATYRÆ

QUINTOR.

Auctore D. G.



LONDINI

Excudit J. Hudson ad instauris Regis in vico vulgo

de la Nouvelle, A. D. MDCCLXXV.



SATYRA PRIMA.

Scribimus indocti doctique poemata passim. Hor.




Quantum possideat quivis, cognoscere ferme
 Non melius, quam qui possidet ipse, solet.
 Nec male frumenti modios jam messe peracta
 Rusticus enumerat, nec male pastor oves:
 Nec, cui decedens genitor quingenta reliquit,
 Bis numerans eadem, mille relicta putat.
 Quas tractare manu, rebus, quas cernere possis,
 His plerumque minor scilicet error inest.
 Ast animi, quæ non oculis manibusque tenentur,
 Haud pariter domino sunt bona nota suo.
 Vix ulli res magna fatis, sed mentis abunde est
 Omnibus: ingenii nemo videtur inops.
 Difficilis res est ingentia rura parare,
 Difficile est altas tollere ad astra domos.
 Consilio facile est urbes populosque tueri:
 Et quodvis quivis munus obire potest.
 Nulla tamen pejus Doctorum gente videtur
 Ipsa facultates enumerare suas.

Raros deme nimis timidos, paucosque modestos,
 Qui pede metiri se didicere suo;
 Quod superest docti generis, stolidissima turba est,
 Quamque suo, nullo nomine digna minus.
 Cujus quis primum limen vix attigit artis,
 Ponet in hac primo se miser ipse loco.
 Nec cunctos præ se dubitabit temnere, vitæ
 Rebus in his summam qui posuere suæ.
 Ferri utcunque tamen poterant, si vana putandi
 Contenta, & fandi gloria fine foret.
 Scribere festinant: conantur scribere stulti
 Ecce prius, recte quam bene scripta legunt.
 Hic male conceptum fidens propellit abortum
 Pauperis ingenii, jam pater ante diem.
 Ille ignota sibi conquirat plaustra librorum:
 Nec curæ caput est tangere, cauda placet.
 Intus quid lateat, sollerter ab indice quærit:
 Et male corrasum denique confit opus.
 Quas alii teneant artes, queis futile quidvis
 Obtrudant vulgo, longa referre mora est.
 Sic miseras maculant magno certamine chartas:
 Quilibet hoc, numero ne superetur, agit.
 Inque suo, liquida quondam ut Narcissus in unda,
 Mirantur vomitu se, geniumque suum.
 Hic famam captat demens, nomenque superbum:
 Hic spe magnificæ conditionis hiat.
 Denique sunt, qui pro mercede volumina ructent,
 Et quibus apporet pagina quæque stipem.
 Nec male subductis omnes rationibus errant:
 Nec spes hos semper fallit, iniqua licet.
 Sis licet indoctus, vappaque infulsior omni,
 Qui te miretur, stultior alter erit.

Hæc

Hæc aliquis cernens, facile indignantia solvat,
 Stultitiæ impatiens, talibus ora modis.
 Mille simul molli formas impingere chartæ
 Qui docuit, melius non docuisse fuit.
 Choerilus unus erat ridendi carminis auctor
 Quondam : nunc vicus Choerilon omnis habet.
 Si quis homo priscus superiorum regna revisens,
 Tollat ab inferno nunc Acheronte caput ;
 Quantum miretur, quarum sub pondere, nugas,
 Plurima jam passim bibliotheca gemit !
 Olim, digna legi qui posset scribere, docto
 Non unus domino servus habendus erat.
 Pagina nunc quam longa uno describitur ictu,
 Ad quam vix calamo sufficit una dies.
 Vulgantur viles, simili quia nempe parantur
 (Sic pretium pretio carpitur) ære, libri.
 Non ego vos foedæ, non vos immisceo turbæ
 (Parcite) laudandi, nomina clara, viri.
 Non adeo Rerum est huc usque effoeta senectus,
 Ut nihil egregium secula nostra ferant.
 Vestra perennabunt cedro lita scripta : jacebunt
 Istorum tineis pabula digna logi.
 Te simul excipimus, qui suspicione maligna
 Te nostro tactum carmine forte putas.
 Nos non excipimus : tu vati ignosce coacto,
 Quod non facturus, si licuisset, erat.





SATYRA II.

FAMAM.

SI quisquam est, cujus, de se quid quisque loqua-
 Nil refert, famam rideat ille licet: [tur,
 Atque omnes supra positus, suffragia quævis,
 Judicio tutus, negligat, ipse suo.
 Sed quis is est inter bene fanos? Nemo profecto:
 Non illa nati conditione sumus.
 Mirus amor famæ mortales, mira cupido,
 Nec paucos plus quam sana cupido, tenet.
 In tantum, ut fuerint, qui, si fas credere, dirum,
 Quam nullum, vellent nomen habere prius.
 De septem quondam qui sex miracula fecit
 Sacrilegus, voluit semper in orbe legi.
 Atticus ille, hominum genus omne odisse professus,
 Nomine mirifico nempe superbus erat.
 Quis numeret cunctos, qui quæssivere vel armis,
 Vel famam ingenio continuare suam?
 Et nullos unquam subterfugere labores,
 Non ipsam veriti, laudis amore, necem?


Attamen huc non quisque via pervenit eadem :
 Artibus ille bonis, artibus ille malis.
 Laudamus patriam qui defendere, bonosve
 Militia socios asseruere pia.
 His male Dî faciant merito, quicunque priores
 Impia moverunt, impia bella movent.
 Cantatus Macedo, cantandus semper in orbe,
 Qua potuit tantum re meruisse decus ?
 Quod, lupo humano generi, sua jura quibusvis
 Gentibus eripuit per scelus, atque nefas ?
 Quod ferus innocuo, monstro truculentior omni,
 Non numerandorum sanguine tinxit humum ?
 Denique quod, famæ furiis agitato, in omni
 Se voluit solum, qua patet, orbe coli ?
 Non odio Timon, non flamma Herostratus ipse,
 Crede mihi, tantum commeruere mali.
 Sed latrociniis merces stultissima magnis
 Gloria, crux parvis semper acuta fuit.
 Tantaque mortales tenuit dementia cæcos,
 Ut summo sceleri maximus esset honos.
 Nec studiis omnes paribus sunt nomen adepti,
 Ingenio nomen qui peperere sibi.
 Utilibus quotquot celebrantur, præmia laudem,
 Si quid id est, etiam post sua fata ferant.
 Qui latis primi fecerunt legibus olim,
 Res ut cuique suæ, vitæque tuta foret.
 Justitia populos & religione volentes,
 Et veri, quisquis rexit, amore patris.
 Quorum consiliis, non armis, publica crevit
 Res, aut in dubio tempore salva stetit.
 Qui disciplinis sublimi mente repertis,
 Sive auctis, animos excoluere rudes :

Aut

Aut adjuverunt follertes artibus ullis,
 Pro genio, vitæ commoda, quisque suo.
 Ingeniosorum contra male jure carebit
 Omnes semper apud nomen honore bonos.
 Qui patriæ, primi rerum cum frena tenerent,
 Artibus infandis imposuere jugum.
 Et quisquis voluit communi crescere damno,
 Privatasve dolis amplificavit opes.
 Vel qui, consiliis aulæ moderator, abusus
 Ad fraudem est domini credulitate fui.
 Denique commentis mores pervertere diris
 Aggressi, & superûm pellere corde metum.
 Nobilitata horum male factis nomina multo
 In tenebris melius delituisse fuit :
 Aut modica vitam contentos degere fama
 Sustinuisse, fatis quam licet esse bonis.
 Fama opus est cuivis, merito re carior omni,
 Et sine qua nulli vivere suave foret.
 Ut namque auxilio sociatæ ad commoda vitæ,
 Sic sensu alterius nemo carere potest.
 Immortale decus paucis, primisque bonorum
 Contigit : æternum vivere rarus honos.
 Non spernenda tamen reliqui solatia famæ
 Vel minus illustris, vel brevioris, habent ;
 Quod vivi longe minus exhaustere laborum,
 Defunctique pari conditione jacent.



Aut adjuverunt solliciti artibus illis,
 Pro genio, vires committunt, quibus illis
 Ingeniosorum contra male iure carere
 Omnes semper apud nomen honore bonos
 Qui pariter, primi rerum cum illis tenent
 Artibus instans impolite iugum non vidit
 Et quisquis voluit communem crescere laudem
 Privatae doles amplificare operae
 Vel qui, consiliis aulæ, moderator, abusus
 Ad fraudem est domini creditusque iudicis
 Denique commentis mores pervertens dicit
 Agrestis, & lupetram bellæ cordis innotuit
 Nobilitate notum male sacris nominis imitus
 In tenebris melius delituisse iure
 Aut modica vitam contentos degere iura
 Sustinuisse, satis quam licet esse bonis
 Fama opus est calvis, merito te carior omni
 Et sine qua nulli vivere iure foret
 Ut tandem auxilio societas ad commoda vires
 Illis semel affectus nemo carere possit
 Immortale decus pariter, primisque bonorum
 Coniungit : certum vivere iure honos
 Non spernenda tamen reliqua solatia iura
 Vel minus illius, vel precioris, haberi
 Quod vivi longe minus exhalet laborum
 Distinguitque pari conditione facit




SATYR A



SATYRA TERTIA.

Utere sorte tua.



Dversam quereris fortunam, stulte? beatum
 Fac modo te credas esse, beatus eris.
 Audio quid regeras : Qua me ratione beatum
 Esse putem, miserum quem satis esse scio?
 Sed si jam quæram, num mens in corpore sano
 Sana tibi non est forsan? utrumque neges.
 An tibi quod comedas, an vestis desit egenti?
 An frigus pateris forte, famemque? neges.
 Ecquid fecisti? Commisistine, timenda
 Cur tibi sint hominum jura, Deûmve? neges.
 Cur ergo miser es? quia non habeo, quod habere,
 Nec sum (num parva est causa) quod esse volo.
 Cur alium video medios se ferre potentem
 Per cives opibus, muneribusque suis?
 Non meritis, non ille loco, re denique nulla
 Me potior, nummis est, & honore, prior.
 Non equidem esurio : sed dispensanda minutas
 Attento in partes sunt nimis æra mihi.
 Dic mihi, quis te res istas optare coëgit?
 Cur vis, o demens, esse, quod esse nequis?

Invidia superos oneras, injustaque fata
 Ipsa vocas : quam non cum ratione, vide.
 Enumera cunctos ubivis : turbamque videbis
 Longe majorem semper habere minus.
 Quis te Divorum, vel quæ Fortuna, minori
 Debuit in numero ponere jure tuo ?
 Tu vero ingratus : nam plerorumque profecto
 Conditiō inferior conditione tua est.
 Nec tamen, ut censu reliquos, vel honoribus, anteit,
 Sic & præ reliquis quisque beatus erit.
 Magnæ cura rei major : tantoque minora
 Damna feres, quanto res tibi curta magis.
 Est quoque prolixis facile in rationibus error,
 Quis male subductis, Cræsus egere queat.
 Multi non reputant, quanti sit quæque voluptas,
 Plusque amplectuntur, quam retinere valent.
 Huic genus adversum est, diversa sorte creatum,
 Quam non invidas, sed miserere magis.
 Nam, quasi nil habeant, miseris, & semper egenis,
 Tantum propter opes accumulatur opes.
 Tertia gens illa est, quorum effrenatus habendi
 Amplius in tantum pectora vexat amor,
 Ut dubia incerti vix ulla sit alea lucri,
 In quam non properent mittere quicquid habent.
 Pauci adeo, quibus verus opum conceditur usus.
 Sed neque sic cunctis sunt potiore loco.
 Cui minus est, curæ minus ; & quod dives, habebit,
 Quæ pluris constant, ni meliora putet :
 Et si animum inducat quædam contemnere, non tam
 Commoda quæ domino, quam speciosa, suo.
 Sed non conspiceris, sed non monstraris : & istum,
 Qui tibi debetur, conspicias ire loco.

Nec

Nec vitam, aut mortem, tua dat sententia nobis,

Nec placidam pacem, nec fera bella facit.

Est opus Anticyra tibi jam, vel sanguine misso :

Siccine, quæ fulgent, aurea cuncta putas ?

Si, qua te subiti replerent munera regni,

Lætitia reges perfruerentur ea ;

Ecquid honoratis usquam felicius esset ?

Jam nimium fors hæc invidiosa foret.

Sed quævis usus, quoque gaudia, deterit : usu

Omnia vilescunt : tempore vilis honos.

Et tamen hunc ipsum multo sectere labore :

Et, cum jam teneas, vix retinere queas :

Et nimis insuavem sæpe experiare gerendo.

Non aliud regno est, credito, majus onus.

Si magnis tantum felicibus esse dedissent,

In jus nonnullo fata colore voces.

Nunc gravibus curis, & sollicitudine pensant,

Si quis divitiis, si quis honore, potens.

Non rex, non dives, non nobilis ; ille beatus,

Et pulcro solus nomine dignus erit,

Quem superi firmo voluerunt corpore nasci,

Et lætum rebus quælibet esse suis.

Quod fatis est, cui non fatis est, nil sufficit unquam :

Immensa est, nec habet stulta cupido modum.

Sic Deus, ut nunc dat, mihi det nullius egere,

Sic mihi, contentum vivere velle meo ;

Ut tu, quem limis spectas si attingere possis,

Ni quoque prætereas, irrequietus eris.

Quæris quod fatis est, & habes : quod deesse negabas,

Et quod non quæris, mens tibi sana deest.

Utere forte tua, ac tandem sapere incipe : nemo

Infelix, nisi qui se putat, esse potest.

SATYRA



SATYRA QUARTA.

Futurum quære, nec quære.



Nte pedes, quæ sunt, quisvis videt : illa videre,
 Quæ procul adveniunt, est sapientis opus.
 Namque quid est aliud, quam conjectura futuri,
 Quo quis prudentis nomen habere solet ?
 Aufer iudicium, de rebus rite ferendum,
 Cernere quas homini non nisi mente datur ;
 Abstuleris pariter vitæ lucemque, ducemque :
 Jam fuerit brutæ conditionis homo.
 Bos, quantum est nactus, tantum & consumere gaudet,
 Nulla, non hyemis, non ratione famis.
 Nil metuens piscis ludentem devorat escam,
 Condita nec simplex cogitat æra cibis.
 Humano contra generi mens provida rerum,
 Et præfaga boni contigit, atque mali.
 Nec recte privata regi, nec publica stare
 Res sine venturi cognitione potest.
 Quid terimus stulti veterum monumenta virorum,
 Durat & a teneris cur sine fine labos,

Si frustra capitur? si non documenta futuri
 Nobis, quæ dudum præteriere, dabunt?
 Nil credas sub sole novum: quæ prisca tulerunt
 Tempora, temporibus sunt reditura tuis.
 Eventus similes causas per cuncta sequuntur
 Secula consimiles: quod fuit, illud erit.
 Attamen haud ulli, quantumvis cernat acutum,
 Concessit liquido cuncta videre Deus.
 Quin etiam perspecta satis fallacia sæpe
 Non divinandis casibus esse jubet.
 Ne se mortalis stolido prudentia fastu
 Numinis auxilio posse carere putet.
 Scilicet officii nostri decrevit ut esset
 Quærere, servavit scire futura sibi.
 Sed multa involvit tenebris, ac nocte profunda,
 Nullius ingenio conjicienda magi.
 Hæc & vestigare nefas, & inutile nosse est:
 Quæ vetita, est eadem noxia cura simul.
 Nunquam quæsieris, maneant quæ gaudia, qui te
 Luctus: nec vitæ tempora scire velis.
 Aut operam perdes, aut si cognoscere detur,
 Forte mala haud paulo, quam bona plura scies.
 At procul aspiciens venientia damna dolebis,
 Ocius, infelix, & miser, ante diem.
 Ni Thetis ad Trojam periturum scisset Achillem,
 Flevisset natum serius illa suum.
 Amittes vitæ fructum: prosperrima quævis
 Pectus non poterunt exhilarare tuum.
 Quid tibi lætitiæ, Cæsar, vel quinque triumphi,
 Patria vel bello capta datura fuit;
 Si, quæ funestis venerunt Idibus, olim
 Pythia credenti vaticinata foret?

Sed

Sed longe fatuos inter stultissimus omnes,
 Supremum quærit qui sibi nosse diem.
 Fac tibi Nelidæ prædicere secula vatem :
 Num te felicem vivere posse putas ?
 Annos, & menses, soles numerabis, & horas,
 Cum fuerit vitæ meta propinqua tuæ.
 Non aliter, quam carnificem qui tempore dicto
 Exspectat, fati præscius ipse sui.
 Ille tamen paucis, aut uno concidit ictu :
 Est fatale tibi forte, perire diu.
 Sperare utilius multo, quam scire, futura est :
 Dimidium voti, qui bene sperat, habet.
 Deficiens ætate senex, dulcedine vitæ,
 Sed tria confecit secula Nestor, ait.
 Quos urget superantis opem vis ultima morbi,
 Affectos pariter convaluisse putant.
 Sustentat sese exemplis, animumque labantem
 Firmat, quem nimium fors inimica premit.
 Qui melius vestræ, miserum genus, insipiensque,
 Stultitiæ poterat consuluisse Deus ?
 Spem dedit incertam, pro cognitione, futuri :
 Optima cujusvis spes medicina mali.
 Solis fida bonis. Scelerati conscia facti
 Fluctuat, assiduo mens agitata metu :
 Dum male celatis jam dudum debita furtis
 Indicia, & poenas prospicit ipsa suas.
 Fac, nihil ut merito timeas : solique relinque,
 Quæ te scire nefas, nosse futura Deo.

F I N I S.

